



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. 4. Quis possit deferre juramentum necessarium, litis decisivum? quibus?  
& quando?

---

[urn:nbn:de:hbz:466:1-73001](#)

*Quis possit deferre juramentum necessari-  
um, litis decisum? quibus? &  
quando?*

2118.

**A**Gimus hic de juramento *judiciale*, eoque *necessario*, quod unilitigantium, vel ad initiantiam alterius, vel ex officio in certis casibus imponi potest, vel debet. De juramento autem voluntario jam actum est §. præcedente, præscindendo tamen, an judiciale sit, vel extrajudiciale; de hoc jam diximus n. 2110. non *necessariò referri*; si autem sit judiciale, censent aliqui ab eo, cui delatum est, *necessariò esse vel jurandum, vel referendum in deferentem*, sic, ut si hic facta relatione recuset, statim à limine judicii repellendus sit, & hoc jure Digestorum L. 3. b. t. ibi: *manifestetur pitidinis confessionis est, nolle, nec jurare, nec recasare*. Verum hanc legem existimo accipiendam cum hac limitatione, ut procedat, ut non possit nec recusari, nec non referri, *absque rationabili causa*. Hanc limitationem persuadet L. generaliter. 12. C. de rebus cred. & juramento, à Justiniano Imperatore condita.

2119.

Verba Legis §. 1. sic habent: sed juramento illato, cùm hoc à partibus factum fuerit, & à Judice approbatum, vel ex auctoritate Judicis cuicunque parti illatum: si quidem is, cui imponitur Sacramentum, nihil ad hoc fuerit reluctatus, hoc præstetur, vel referatur: *necessitate ei imponenda, cui jure refertur, relationis Sacramentum subire: vel, si hoc recusaverit, quasi illato Sacramento præstito, causa, vel capitulum decidatur, nullo loco provocationi relinquendo*. Quis enim ferendus est ad appellationis veniens auxilium in his, quæ ipse facienda procuravit?

§. autem. 2. Si autem is, cui Sacramentum est illatum, vel à parte, vel à judice, hoc subire minimè voluerit: licentiam quidem habeat Sacramentum recusare: iudex autem, si hoc omnimodo præstandum existimaverit, sic causam dirimat, *quasi volente eo Sacramentum sit recusatum*: & ita cætera si-

ve capitula, sive totius negotii summa examinentur, & lis suo marte percurrat, nullo ei obstaculo obviante. Iste autem, qui Sacramentum sibi illatum dare recusaverit: vel hoc attestetur, vel si forte non audeat, habeat sibi in ultima provocatione repositum auxilium, & si Judex appellationi præsidens, bene quidem illatum *juriurandum, non ritè autem recusatum*, pronuntiaverit, res secundum quod judicatum est, permanebit. Sin autem *non ritè* quidem illatum, rectè autem *recusatum* Sacramentum pronuntiaverit, tunc ei licebit emendare sententiam Judicis, quæ quasi ex recusato Sacramento processit, & nihil penitus nec præiudicii, nec iniusti dispendii cuicunque incurret: sed & causæ cursus ab initio usque ad novissimum terminum non impeditur, & lis quæ lance trutinabitur; ac demum §. 3. Sive autem illatum juramentum præstitum fuerit, sive recusatum: ipsi parti, quæ hoc intulit, nullum provocationis remedium in hoc reservabitur: cum nimis crudele est, parti, quæ hoc detulit, propter hoc ipsum, quod Judex eius petitionem fecutus est, superesse provocationem.

Circa hunc textum, hot. i. quod in §. 1. 2126. dicitur: *si quidem is, cui imponitur Sacramentum, nibil ad hoc fuerit reluctatus, hoc præstetur, vel referatur*; ex hoc enim sequitur, per hunc textum posse recusari, & præstationem iuramenti, & relationem; cùm quandoque fieri possit, quod imponatur *non jure*. Unde subditur, non eo ipso imponi necessitatem absolutam præstandi, vel referendi juramentum; sed solum, *si non fuerit reluctatus*, Judicem, etiam factâ recusatione, *quasi illato Sacramento præstito*, causam, vel capitulum decidere debere, nullo loco provocatione relinquendo, sed solum si iure referatur, nimisrum, quando nulla suppetit causarationabilis, recusandi iuramentum, vel ejus relationem; quo habetur parem in hoc esse causam & necessitatem & ejus, cui defertur; & ejus, in quem refertur juramentum, quando recusatur in defectu rationabilis causæ non autem, ubi hæc suppetit.

Not.

2121. Not. 2. quando in §. 2. dicitur: si is, cui juramentum delatum est vel à parte, vel à Judice, hoc minimè subite voluerit, licentiam quidem habeat juramentum recusare, & si Judex hoc juramentum omnino præstandum existimaverit, sic causam dirimat, quasi *volente eo* Sacramentum sit recusatum; & ita cætera, &c. ut supra: in hoc textu plura esse observanda. 1. quando ibi legitur: *quasi volente eo sit recusatum*; à glossa notari, legendum, quasi *volente eo sit recusatum*; quem porrò effectum habeat contumax neglectus juramenti, constat ex præced. num.

2122. Not. 3. si contingat, quod, parte tecum sante juramentum, procedatur ad definitivam, condemnatum (si videatur sibi justam causam habere recusandi juramentum) juris beneficio habere in ultima provocatione auxilium, ut nimirum, si Judex appellationis pronuntiaverit, juramentum ei non esse ritè delatum, & rectè recusatum, Judex *ad quem* possit emendare sententiam Judicis à quo, quæ ex quasi juramento processit; & nihil penitus præjudicij ex prima sententia condemnatus patiatur, ut constat ex dicta L. 12. §. 2. supr. n. 2119. his præmissis:

2123. Quæstio 1. est, à quo deferri possit juramentum *necessarium*? quod aliqui vocant *suppletorium*, in defectu scilicet alterius legitimæ probationis. Resp. quod à Judice Ordinario, & Delegato, per L. 3. ff. h. t. ibi: *Solent enim sape Judices, in dubiis causis, exacto juramento, secundum eum judicare, qui juraverit;* & colligitur etiam ex L. 12. de qua supra, ibi: *vel ex auctoritate Judicis cuicunque parti fuerit illatum;* quod videtur procedere etiam de Arbitro juris; cùm isti in tali casu sint veri Judices. Ut autem Judex uni litigantium hoc juramentum deferat, opus est, ut id faciat *causâ cognitâ*, per L. 3. C. h. t. ibi: *per judicem jurejurando, causâ cognitâ, res decidi potest;* in quo autem potissimum consistat *hæc causa cognitio*? constabit ex seqq.

2124. Quæstio altera est, quibus deferri possit hoc juramentum *necessarium*? In hoc certum videtur, nec debere, nec posse licet deferri personis, de quibus meritò dubitatur, an sint integræ fidei, ac bonæ existimationis propter periculum tum perjuri, tum gravis præjudicij ad-

versæ partis; unde personæ minus legales, cujasmodi sunt viles, & infames, non sunt inducendæ ad jurandum; sicut & illi, qui notoriè habentur usurarii, fœnatores, alienorum ardenter cupidi; & quia reverà in talibus *amor habendi* præstat justum dubium de integritate fidei; quo etiam pertinent perjuri, aut suspecti de perjorio; nam *qui semel pejeratus fuerit, nec testis sit post hoc, nec ad Sacramentum accedat;* nec *in sua causa, vel alterius existat,* 22. q. 5. c. 14. potest autem hoc juramentum præstari vel personaliter ab eo, cui delatum est; vel per Procuratorem, qui juret nomine principalis hoc testantis, & assidentis.

Quæstio 3. est, an, ut alicui deferatur juramentum liti derisivum, & necessarium, necesse sit, & sufficiat, quod semiplè probaverit, pro quo juratus est? prima pars quæstionis communiter affirmatur à Doctoribus; nam hoc titulo dicitur *supplere defectum probationis*, nimirum exhibita, sed se sola nondum integræ, ac sufficientis. Ad alteram (an sufficiat?) censem aliqui negativè, restringentes ad casum, ubi ex mutuis & plenis partium probationibus resultat dubium; communis tamen tenet, sufficere per L. 3. C. h. t. ibi: *in bona fidei contrictibus nec non etiam in ceteris causis, inopia probationum per judicem jurejurando, causâ cognitâ, res decidi oportet;* inopia autem probationis est, cùm ea solùm est semiplena. Unde, cùm leges non ferantur pro casibus planè raris (qualis est, quod uterque litigantium intentionem suam plè probaverit) immerito lex restringitur ad casum illius plenæ mutuæ; imò hac limitatio videtur repugnare c. 2. de probat. ubi reprobatur consuetudo deferendi juramentum ei, qui plè probavit; præsertim, cùm c. fin. de jurejurand. dicatur, Actori deferendum juramentum, si ceteris paribus pro eo stat præsumptio ratione personæ, ac circumstantiarum.

Unde, quando dicitur, *Actore non probante, Reum absolvendum esse, etiam si Reus nihil probaverit;* respondetur verum esse, quod tali casu Judex non teneatur Actori deferre juramentum, & Reum absolvere possit; quia tamen quandoque ex semiplena probatione talia possunt prodire veritatis indicia, ut, tametsi eam non

Aaaa

plene

plenè probent; reddant tamen valde credibilem, & afferentis eam probationem statum meliorem, præsertim, ubi Adversarius præter puram negativam, nihil pro se, nihil etiam ad infingenda allata afferit; permittitur Judici, rebus omnibus rite consideratis, amore veritatis, illi deferre juramentum, & secundum illud definire causam; quarè licet Actore non probante plenè, Reus absolvī posse; non tamen in omni circumstantia Judex tenetur.

2126.

Quæstio est 4. quando, seu in qua parte judicij juramentum necessarium, litis decisivum deferendum sit? Resp. posse in qualibet parte judicij, ubi res nondum liquidè probata est ab una parte litigantium ad versus alteram (nam in hunc finem ejusmodi juramentum conceditur, & colligitur ex L. 12. C. de reb. credit. & jura-  
mento) idquè non tantum in prima instantia, sed etiam secunda. Tamen si enim finis appellationis sit, emendare, vel consermare sententiam Judicis à quo; is tamen non est unicus; cum etiam in eum finem adinventa sit, ut prius non deducta deducantur; & non probata probentur, ut habetur L. 1. ff. de appellat. & ratio sumitur ex verbis dictæ L. 12. ibi: omne igitur juramentum, sive à Judice sibi à partibus illatum, vel in principio litis, vel medio, vel in ipsa definitiva sententia, sub ipso Judice detur, non exspectata vel ultimâ definitione. vel provocationis formidine.

2127.

Dubium est, an juramentum hoc necessarium deferri possit etiam post conclusionem in causa? Resp. ex communi sententia DD. ad petitionem partis, factam post conclusionem in causa, non posse; securis, si petitio facta est antè, licet delatio fiat post; Judicem autem, ex officio id non posse post conclusionem in causa, nullo prius petente; in quo tamen postremo contrarium sentit Gail apud Haunoldum tom. 5. tr. 464. n. 1024. volevis, esto petitum non sit, hoc juramentum deferri posse à Judice etiam post conclusionem in causa. Nam, ubicunque Judicem aequitas moverit, æquè oportere fieri interrogacionem, dubium non est, ut dicitur L.

21. ff. de interrogat.

§. V.

An sit in arbitrio Judicis, deferre jura-  
mentum, cui maluerit, ex litigan-  
tibus?

**S**upponendum, per Judicis arbitrium 2128. hic non intelligi meram libertatem qualem habet homo, vi cuius potest v. g. facere aliquid, vel non facere, aut etiam oppositum, prout libuerit; sed facultatem aliquid faciendi, vel omittendi ex matura deliberatione præviâ, consideratis omnibus circumstantiis, ad rem facientibus, & finem, quem vi munetis sui querere debet, obtinendum; & quoniam in judicio maximè queritur veritas probationum, ut ex his, quæ prævalent adversus probationes alterius, justè pronuntiare possit; subinde autem haberi non possit, nisi delato uni partium juramento, Judicis erit arbitrari, hoc est, maturè prius deliberare, per cuius juramentum, si deferatur, rectius, ac melius veritas cognosci valeat: quo posito ei deferet, in quo tales sunt circumstantiæ, ex quibus persuadeatur, ab hoc potius, quam ab illo, veritati conformiter, juratum iri. Et ideo Alex. Scotus, V. arbitrium, dicit: arbitrium, seu arbitratum suo proprio significato importare libertatem arbitrandi, & voluntatem ratione regulatam. Unde commissum arbitrio alicujus, intelligitur boni viri, ff. de legat. L. 3. s. filia; imò si sit generaliter commissum, non valet factum ab eo, nisi legitimè factum sit; gloss. in c. causam, quæ de elect. V. si tamen; quibus positis:

Triplex in hac quæstione est sententia; 2129. quarum prima vult, juramentum suppletorium probationis, esse deferendum Reo; secunda vero, Actori; tertia deinceps, relinquendum arbitrio Judicis, ut ei deferat, cui hoc deferri, maturò judicio videbitur æquius ad finem intentum, nimirum cognoscendam veritatem, ut dictum est præced. num. quod tamen intelligi vult hæc sententia, quam ex teris veriore existimo, quando locus esse potest arbitrio; primò enim, si una pars litigantium intentionem suam semiplenè probavit; altera vero nihil, non erit locus arbitrando, cui

